

察哈爾省通志卷十六上

戶籍編

孝義

萬全縣孝義

陳顯祖晉寧城人。幼失恃。每晨起。必詣靈筵饋常食。泣呼再三。比長。無一日間。父仁。性最嚴。顯祖事之。曲盡誠悃。久之。遂得歡心。繼母于氏。生四子。父命析居。顯祖泣諫不從。乃取家資。讓四弟自擇。而以其弊餘者當之。父死。廬墓側三年。歸謂母曰。母知析居非顯祖意乎。母曰然。第爾父命之矣。顯祖曰。母今在。諸弟所分資。已竭十四五。兒何忍獨安飽。而諸弟他日窮困也。于泣而從之。自是復合。數十年。雍穆無乖忤。四弟亦感悟。俱克自樹立云。

察哈爾省通志

卷十六

戶籍編之六

一

劉字。其先山西孟縣人。洪武初。徙戶實邊。遂隸尺籍。家於張家口堡。堡南有清水河。性湍悍。人病徒涉。字父圮。積已及族人軍錢。謀建橋。未興工而卒。字旦夕思成父志。會宣府總兵梁公秀。亦謀建橋。而貲未有所措。字聞。慨然曰。茲先人志也。隨捐千金成之。今之通橋是也。子巍科。順治二年拔貢。任教諭。孫其淵。武進士。任都司。時橋又傾圯。其淵捐貲續修。人以爲世濟其德。

楊成。字定字。其先山西平定州人。父進孝。遷張家口堡。成和平正直。忠信不欺。以名德化其鄉里。人有爲不善者。常懼爲楊公所知。有望慮悔過之風。本縣太師莊。艱於利涉。捐貲建長橋。行者便之。至今猶循其制。又創立義學。延名宿。具膳餼。孤寒子弟。多所造就。仁粟義火。徧於親疎。以子貴。封文林郎。晉贈通議大夫。康熙三十四年。崇祀鄉賢。子芳聲。歷浙江紹興府知府。國聲。歷

刑部湖廣司郎中。英聲。功加左都督。國聲有傳。

席三聘。萬全右衛人。第三公。順治年同補衛學生。家門雍睦。事母孝。兄弟同爨。友愛無間言。鄉鄰稱重。後三聘無嗣。三公以子敬繼之。時敬已遊庠生子矣。請於督學使。改冊承祀。學使嘉歎。蔚州敏果魏公。時方林居。聞其義。贈之以詩。

袁嘉盛。字憲宜。萬全右衛人。其先自山西洪洞移居張家口。嘉盛富而能仁。人有以急難告者。無問親疎。率傾囊以濟。常以邊地苦寒。歲製皮衣數百領。給無衣者。又每年治棹置空所。遇無力殯葬者與之。有亡賴子誑之去。易錢於市。家人以告。嘉盛夷然曰。彼非萬不得已。孰肯以父母親屬死。誑吾物乎。竟弗與較。里中翕然稱爲長者。彝商某來口貿易。擁貲鉅萬。嘉盛與之相識。

察哈爾省通志

卷十六

戶籍編之六

一一

康熙中。用兵厄魯特。道阻。商欲亟歸。乃以貲十萬寄嘉盛所。且約曰。儻公欲營運者。啓此無妨。後三年我來。但以原數歸我可也。嘉盛諾之。後十許年。其人不至。訪之則已死。其家亦不知前有寄金事也。嘉盛即召其子至。還之。子涕泣欲以半爲酬。不納。開扁封識宛然。康熙十年。聖祖皇帝自口外回鑾。道經其里。特賜召對。給三品頂帶。及詩扇綾匾。鄉黨榮之。以孫立相貴。贈光祿大夫。

王振睿。字思菴。萬全縣武舉。張家口人。見義勇爲。以善行聞於鄉。康熙四十四年。大府檄毀三教堂。張家口堡有當毀者。振睿以先師像在焉。請於當事。改建聖廟。首捐五十金。並地一區以倡。又募得一千三百餘金。振睿姪若綸。時在山西。亦以百金爲助。廟成。大吏給匾以旌其義。

郝士雍。張家口文庠生。幼失恃。繼母待之殊嚴。士雍克修子職。久而無間。繼母亦爲之感泣曰。吾兒真孝子也。繼母終。哀毀骨立。一如喪父時。士雍之堂兄曰士恭。乾隆壬午科舉人。年老失明。賴士雍寬慰調護。得怡怡以終。先是士雍之父。與堂兄分爨已久。及堂兄沒。而子若孫之無行者。竟將士雍之產。變賣入己。士雍教讀於外。曾不之問。或怪之曰。吾寡兄弟。吾弗忍也。一時鄉人士。翕然稱之。嘉慶年間。公舉孝廉。官給孝義可風匾。以光其閭。

霍履泰。字靜安。先世自山西孝義遷萬全。曾祖揮乾。以厚德著鄉里。祖守文。太學生。父天培。衛千總。履泰由別房繼入。事母武氏。省安視膳。惟恐不得當。母氏年過八旬。乃歿。喪葬盡禮。時人稱其孝。其於本生父母。亦瞻依戀戀。如未離膝下者然。胞兄逢泰。性嚴厲。事之能得其歡。堂姪邑庠生昌祚。以讀書

察哈爾省通志

卷十六

戶籍編之六

二二

攻苦歿。家不甚裕。逢泰瀕終。屬析已產千金與之。履泰如兄命。旋以本身產業。如數償兄家。而不言其故。已復念姪婦劉氏之撫孤子楨也。依母受讀。慮有不給。更推數千金。爲置房屋。以慰矢志之苦。劉氏卒。以節孝及身請旌。建坊。閭里榮之。萬全故燕代地。當中外衝。素稱富庶。然四面皆山。旱潦時有。桑梓之不足於用者。戶相望也。履泰於每月朔望次日。施放制錢。分別大小口。而量給之。又於每歲施放臘米。以餽貧乏。縣之正供糧米。每年額收七千餘石。除支放兵米及各項倉廩爲之一空。故邑無屯糧。遇荒歉。往往束手。當事者議立義倉。履泰首捐米數百石。以爲好義者勸。時錢方伯臻廉得其實。特給康樂可書匾。以旌其閭。邑城東沙河壩圯。公議改土爲石。圖經久。履泰慨輸百金。且墊用款項。工得以早完。而水不爲害。萬邑舊多神廟。以地近於邊。

藉爲保障。歲時議築。求必應。應必多。故見於廟碑者。咸首列履泰名。年五十外。即潛於世事。凡有義舉。悉委之長子如洵。如洵字少泉。慷慨好施。一如其父。與弟如泌。俱敬念遺囑。無違先德。嘗建通街石橋。濟行人。置北郊義塚。以安死者。又以萬全文學日興。首輸三千金。創建書院。時府縣文廟。皆議增葺。又捐貲數百金。曰。是皆吾父有志未逮者也。前護院屠方伯。上其事。宸翰褒嘉。從優議叙。邑人咸謂履泰有子。抑懋乃嘉德。宜其世有令名。克享美報云。履泰貌魁梧。性剛毅。讀書通大義。不屑屑章句。爲人豪爽。入邑庠。即貢成均。捐職布政司理問。卒年五十有七。子二。如洵優生。後補光祿寺署正。如泌庠生。恩賞八品頂戴。

羅毓芳。字佩秋。號馨甫。附貢生。才高性敏。慷慨好施。事祖母至孝。中年營繕

商。每赴張垣。出必告。反必面。祖母有疾。親侍湯藥。衣不解帶者月餘。卒後守棺席地臥。哀毀幾絕。胞姊適安家堡王朝輔。朝輔卒後。遺女二。無子。族人爭繼。涉訟多年。家道中落。毓芳力任養贍。二十年如一日。並爲嗣甥成婚。甥女擇嫁。姊卒。喪葬如儀。戚友中有急難。罔不週恤。告貸者。不責償。光緒十八年。本縣大饑。辦賑務二年。活人無算。二十年。倡修河壩。爲壩工董事。分任募欸督工之責。不辭勞瘁。二十六年。地方不靖。結諸紳。辦保甲。保甲局成立。規畫之力爲多。卒於宣統二年。壽五十八歲。子嘉祐。國學生。嘉言。登記學校卒業。任本縣教育事有年。孫汝愚。直隸優級師範畫圖手工專科卒業。現任本縣高級學校教員。汝誠。北洋大學修業。曾充本縣縣黨部執行委員。

喬瀚。字雪栽。高廟堡人。性豪爽。能容物。先世豪於財。逮祖蘭。慷慨好施。家漸

中落。瀚未弱冠。即奮志恢復祖業。因輟學。持身勤儉。馭下有法。商肆夥友。農家佃戶。無不致敬愛。如家人父子。中年後。業復興。行善尤力。早失怙恃。有幼弟曰淑。愛護周至。教養成成人。怡怡然。老而彌篤。鄉里奉爲楷模。有子二。皆業儒。

張敬銘。字吉臣。又字極誠。別署習靜齋主。張家口人。祖籍宣化縣。清宣統己酉拔貢。天性孝弟。品學兼優。工書法。善詩賦。幼爲業師。鍾大愚。安曉峯。兩夫子所器重。家傳儒醫。昆仲皆精岐黃之術。兄愚銘。行四。懸壺問世。善治傷寒。有聖手張四之譽。兄性直善怒。每遇拂意事。輒動氣。銘柔聲下氣。婉言開勸。不聽。又敬不違。必待其色喜而後退。人謂竭誠事兄。克盡弟道。至其作事。必終必敬。交友以信以義。教子慈而不縱。遇下和而不流。一生多就文牘科長。

察哈爾省通志

卷十六

戶籍編之六

五

職務。扶危濟困。晚年創辦國學專修館。新舊兼施。取長補短。冀使青年不爲流俗所移。並立培德堂施醫處。施診捨藥。不取分文。民國二十二年四月卒。年六十有一。子二。長鴻元。次鴻中。均業儒。

蔚縣孝義

馬焯。遼陽殉難總兵林之子也。順治初歲貢。授鄒平知縣。卒於官。焯在前明。嘗念父以遼疆事爲浮議所誣。心憤之。及聞父變。痛哭。列父戰守始末。以諸生抗疏闕下。並具揭投當道。一時死事之烈。不爲邪黨所蔽者。其力也。在鄒

平亦廉明有聲。

慶志

李暄亨。字澄園。由選貢舉丁卯鄉試。甲戌。以第四人成進士。選庶吉士。久之。改內閣中書。辭歸。少讀書。研窮精奧。有志性命之學。魏敏果公深器之。嘗歎

世不乏才。而爭新鬪巧。日趨於歧。故平生踐履篤實。間爲詩文。亦不以浮豔相尙。廷對指陳當世利弊。不少梗避。略謂方今風俗之敝。莫甚於好侈。人心之壞。莫甚於貪利。宜崇尚德化。整肅官方。秉虛公以絕偏黨。廷臣咸歎以爲名言。居父憂。哀毀骨立。葬後。廬墓三年。縣令屠沂者。有剛直聲。故同年也。數年未嘗與通一札。一日以地方利害事往謁。與辯論。至而發頰。辭愈壯。居不能堪。已乃大服。嘗輯雲中節義錄。及宣府死事中丞朱免齋文遺。范徵君彪西入垂棘編。廣理學備考以傳。其好尙如此。自著有趨庭日記。齊家格言。槐省雜記圖南航澄園諸集。慶志

李雋望。行人昉辰子也。字時可。康熙庚子舉人。童時方就塾讀。一日聞鄰有以官逋鬻其妻者。亟白母資令完聚。父疾。籲天祈代。復割股以進。母馬病痿。

察哈爾省通志

卷十六

戶籍編之六

六

痺臥牀十年。偕婦侍寢席。旦夕不少離。婦亦婉聽。蓐苓之費。或取母家。或出簪珥易之。不吝也。弟厚望。官高密爲署令。所誤。大致賠累。傾貲產以助之。時以爲難。所著有晚香集。初昉辰爲諸子延師課讀。榜所居曰義方軒。子五人。並有時譽。令望。字璋如。以歲貢終。祖望。字繩其。由太學生授州倅。亦不仕。雋望。與弟厚望。予望。皆以科名顯。昆季輯睦。白首無間言。一時之言孝義者歸之。慶志引俞兆晟

李公墓誌銘

郭明義。字時菴。父兆。喜施給。明義承之。年十七。補諸生。試輒高等。工音律學。友愛敦篤。弟妹皆以爲依歸。從兄弟某卒。遺一女。撫之不啻己出。家有積券數百。貧不能償。集其人。悉面焚之。歲辛卯。州人董揆叙。建義學。捐園地助之。暖泉資灌溉。又有水碾之利。遇沙河漲。隄輒敗。乃出錢。率村人修築。至今安。

堵。皆其力焉。

慶志引郭處墓表志補載人物。

陳彩。字含章。諸生。有至性。父廷元。以獄株連。遣戍福建大田。彩侍至戍所。父力督之歸。乃奮厲於學。日夜溺苦。冀官成。贖父罪。甫隸籍學官。而父凶問遽至。大痛。徒跣萬里。負骸歸。既葬。每念父不及生還。輒長號。聞者爲感泣云。康華國。字偉英。道光乙酉舉人。事母至孝。母喬氏。故士家女。通書史。華國幼。授經督課甚嚴。力學爲名諸生。值拔萃。甚爲學使所器。試之前夕。臥邸舍。適有鄉人至。語同舍生。以其母方疾者。華國微聞知。遽起。星馳而歸。抵家。則母昏臥踰日矣。聞華國聲。頓甦。疾竟愈。而窺母意。終以其不與試。悒悒也。乃發憤爲文。攻苦無間晝夜。是科遂捷。人稱孝感。性靜默。無意仕進。母卒。不復就試。村居教授數十年。未嘗履城市云。慶志

察哈爾省通志

卷十六

戶籍編之六

七

阮士雄。字超羣。少以父命與兄弟異爨。士雄以居積致富。則時佐兄。兄歿。撫其孤。令與己子同學。衣食教誨。無異視。及老。乃均析其產。爲券。命二子各取一。而以其半畀弟及兄子。聞者嗟異。居恒重然諾。遇人危困。赴之若所嗜焉。子文成。兄子文光。並諸生。慶志

宣化縣孝義

殷禮。宣德人。性至孝。鬻薪自給。猶日求甘美養親。金貞祐中。宣德陷蒙古。元帥盡驅居民出城。父盛及禮俱與焉。俄而下令。凡老者殺無留。士卒聞命。方以殺爲嬉。勢將向盛。遂潛往代死。伏其父於身下。以兩手據地。俛而延頸待之。士卒辨視未審。禮項腦因中二刀。至夜半始甦。後二日。令再下。無老幼盡殺。時禮已以善舞劍被選。而行次蔚州矣。途聞其父死。謂同伴曰。我且逃歸。

葬父。遂歸。求父屍而得之。負以涉河。水傷脛。至血出發母塚。下屍封識之。乃還。後以從征有功。與二子俱爲顯官。慶志

葛鵬。字子高。宣人也。勵志問學。與其弟鵬。自相師友。日研究聖賢經傳。往復辯正。必底洞徹乃罷。正德己卯。同薦順天鄉闈。辛巳。鵬登進士。鵬不遇。旋歸書舍。奮修倍恒。鵬仕爲給事中。詒書諷以剛直任事。爲郡守。諷以恤民無任情。爲憲副。諷以持大體。不苛於正。鵬亦忻忻樂從之。曰。兄教我。嘉靖壬辰春。其業不合。有司者五。未幾病卒。鵬性好古。其學篤尙躬行。茹服不求旨麗。居家能養親。友愛弟。鵬待賓客儉素誠款。與人交。無一僞飾。人有慕者。往造。初若近迂。久之必加欽服。或歎爲眞君子焉。舊縣志

林茂卿。宣德人。年四歲。父母俱疫死。伯父哀而育之。甫卯角。時詣塚墓前。號

察哈爾省通志

卷十六

戶籍編之六

八

慟欲絕。新有果蔬。必薦。後伯父爲商。贏于財。五十無子。委茂卿家事。日與其妻懇伯母前曰。林氏單弱。誠不忍伯父絕傳也。伯母悟。爲置二妾。未幾伯父母亡。遺孕生二子。彥卿。俊卿。夫妻保抱護視之。及壯有室。欲析居。茂卿力勸不可。乃傾囊悉歸二弟。自領田百畝。屋一區。爲生。厥後二弟交游匪人。日喪所有。茂卿仍加調給。略無憤辭。嘗曰。我無伯父。何以有今日也。二弟尋亦感化爲善人。而茂卿二子植構。並能趾美。科第顯仕於朝。舊縣志

郭宗興。宣府右衛人。幼失怙。事其母林。備竭孝誠。朝夕侍側。必候顏色。憂喜。喜則自適。憂則極意娛之。林病。宗興躬理藥粥。至不起。乃爲治喪葬具。務盡力。曰。舍此復何以用情也。既窆。諸有服者。強之返。宗興踞泣曰。歸無母。宗興必不能生。若諸親能聽宗興。卽宗興死於此。尙復奚憾邪。諸有服者度不能

強皆歸。於是宗興取數椽自爲屋墓側。居之夜則悲號。晝則封殖。比及三年。林木蔚森。縱橫俱成列。指而望之。無不知爲孝塚也。有司上其事。詔旌表里閭焉。

趙弼。字良卿。宣府右衛人。嘗讀書。敦尚孝義。父昇疾。侍醫藥不違。卒。哀毀踰禮。比葬。跣其母李請守塋。母曰。爾去。我必念爾。遠或不能至。奈何。且爾知有父矣。願不知有母耶。弼悟而止。旣襄事。每日蚤暮。輒向靈筵致哀。奉養其母。比平素尤至。母卒。一如喪父。哀毀合窆之日。即結廬其旁。悲號無間。三年歸。設牀几寢幃。懸父母小像其內。如常定省。歲節。偕妻子祀之。盡誠信焉。事聞。詔旌其門曰孝行。

周延基。宣化縣人。家貧。艱於衣食。與弟延臣。日傭作。得賃資。輒易甘旨養父。

察哈爾省通志

卷十六

戶籍編之六

九

永燮。及母馮。曲慰其心。順治戊戌。母馮病。基屢朝夕慟哭。焚香祝天。願以身代。竟不起。呼天搶地。聲惻鄰里。時遇荒年。貧日益甚。基屢俱未有室。躬持爨。或有勸其娶妻者。皆曰。繼祀事誠大。願目前老父。年踰八十。非肉不飽。奉養事亦大。值此凶歉。力供菽水。尙不給。奚敢他望。竭力承懽。遇父迷曠。欲加槌責。基等即伏地俛從。不敢違責。已仍曲求娛之。至父歿。亦如喪母時。康熙辛酉。里人公稟參議楊公。給銀八兩。代之娶。復賜匾曰。孝行可風。參將宋守備姜。亦匾曰。百善之先。曰菽水承懽。丁亥。撫軍趙。又錫孝毓雙珠額以旌之。張萬祚。宣化前衛人。行居次。幼孤。其長陞祚。已授室。父遺貲爲婚娶。遭年荒。陞祚拮据供炊。莫給。終不欲啓緘。萬祚愀然曰。肉可割。尙啖母。令饑而有室。將安忍。且年豐娶未晚也。泣請用之。終身兄弟怡怡和樂。奉母無間言。及歿。

哀毀骨立。葬之日。廬於墓側。舂土成墳。至朔望。聲號四野。終三年焉。雲州守府馬公。嘗以善孝可風。額其門。今猶待旌獎云。舊縣志

孫錫齡。字夢祥。武舉。孫枝英之長子也。中式清康熙丙子科武舉。庚辰科武進士。性孝友。寡言笑。或勸之仕。則曰。老父在堂。曷敢遠遊。願終身奉養。及父死。諸弟與其析居。則產任弟給。低昂不計。異母弟柏齡。年最幼。錫齡撫之成。爲之婚娶。並代其經營財產多年。毫無所私。其廉介有足多者。庶母弟旭齡。緣事繫於官。錫齡售己產爲開脫。致不受累。嘗語人曰。孝弟兩字。出自天性。余之愛弟。正所以孝親也。聞者敬之。惟年三十六尙無子。妻爲之購一女爲妾。抱衾之夕。女涕不已。固詰之。女曰。良家子。不忍人妾也。錫齡笑。翌日歸其父母。語之曰。區區身價。爲若女作嫁資。吾從此不復娶妾矣。越明年。妻生一

察哈爾省通志

卷十六

戶籍編之六

十一

子名衍策。人皆謂天之報施善人焉。

孫世德。字配京。號敬修。貢生。孫衍策之長子也。清乾隆時。以通判候選。性孝友。有父風。襲其成業。惟恐弗克負荷。能忍能讓。即有以橫逆相加者。亦處之怡然。以故鄉黨宗族。咸稱誠篤君子。與羣弟同居四十餘年。無片言相爭。胞妹適張門。貧寡不自給。世德勸合族公助之。已又出囊金。以時饋贖。二十餘年如一日。未嘗有德色。易簣時。猶留百金爲妹養老。其克敦友愛如此。壽七十。

孫厚德。字仁甫。號載資。貢生。孫衍策之次子。中式清乾隆甲午科舉人。庚子恩科進士。以知縣候選。性雖稍鈍。而篤於學。刻志攻苦。純靜專一。於書無所不讀。捷南宮後。尤嗜通鑑。終日不釋手。睦宗族。好施捨。課兩弟一子讀。事親

以孝。父鰥居十七年。曲意承歡。遇事非奉命不敢行。疾革時。猶曰。老父在堂。不克終養。死難瞑目也。名重當時。文足傳後。卒年僅五十也。

孫繼紱。字嗣纓。號祿泉。清道光年附貢生。進士孫厚德之次子也。七歲失怙。生母姚孺人。撫育而訓誨之。稍長。出嗣長門。兩地承歡。孝由衷出。生母苦節三十餘年。繼紱竭力盡心而事之。爲人端嚴公正。好善惡惡。人咸敬而憚之。於戚黨急難之時。資助無吝色。每年存穀若干。積之以備濟貧。而猶以不能廣施爲憾。其樂善好施。蓋出自天性云。

錢毓美。字君實。縣南鄉錢家沙窰人。幼穎敏。好讀書。因親老輟學。然有經濟才。於鄉黨戚族間。慷慨無吝色。會值歲凶。鄉人十室九空。毓美設法賑濟。全活甚衆。有以貧乏告者。無弗給。力不能償。輒還其券。村舊有恒興渠一道。爭

察哈爾省通志

卷十六

戶籍編之六

十一

執連年不決。渠事且廢。毓美調解維持。羣衆皆服。水利復興。鄉人賴之。鄰邑有某孝廉。學行素著。歿後無以爲殮。毓美與有舊。卽日經紀其喪。並恤其妻孥。人咸高其義。毓美約已以廉。持家有法。姓雖繁衍。然家庭雍睦。人無間言。遇親戚故舊。尤矜恤加厚。其盛德懿行。閭里至今稱道弗衰。孫福森。以舉人歷官山西交城等縣知事。有政聲。羣以爲食德之報云。

劉化南。字治宇。縣南鄉深井堡人。三歲喪母。事繼母以孝聞。家道貧寒。幼嫻庭訓。而勤苦力學。孜孜不倦。入泮後肄業柳川書院。咸豐辛酉科拔貢。授內閣中書。轉吏部候補主事。以直隸州知州用。視時事日非。無意仕進。退歸鄉里。庚子拳匪肇亂。盲從者衆。斥爲邪匪。力禁之。匪衆脅迫。始終不肯苟和。亦因是致疾。光緒二十七年。卒於家。

王鳳翔字曉霞。同胞三人。兄鳳儀。道光丁酉拔貢。是科卽登賢書。弟鳳威。歲貢生。候選州判。皆以詩古文詞著。鳳翔幼而失怙。母訓甚嚴。讀書日十行下。性友愛。篤於倫常。十五歲試冠童軍。學使某公。飭廣文代詢家世。意在選東床也。然已爲閩孝廉婿。特未合卷耳。由是文名藉甚。無不以遠大期。乃應鄉試者八。皆不售。咸豐元年。由恩貢生。應孝廉方正舉。時以國家多事。停止朝考。欽賜六品銜。賞蟒緞金錠數事。至是絕意進取。日以經史課兒孫。四十餘年。光緒十六年冬月。愛孫吉士。侍坐談文。忽曰。余心氣不暢。或將死乎。似此無病而終。亦一佳話。然終不忍棄余孫也。家人團聚寬慰。次日竟一笑而逝。時年七十有四。

王兆麟字子嘉。鳳翔子。聰穎絕特。性好讀書。年十三。五經卒業。惟不喜八股。

察哈爾省通志

卷十六

戶籍編之六

十二

文。輒曰。丈夫當讀萬卷書。瀏覽古今天下事。何必拘束於文字間乎。又鑒於乃父科甲無緣。立志不入場屋。嫻於中國歷史。清朝掌故。其子吉士。幼讀之。經史皆受諸庭訓。每於鄉黨決大疑。排大難。數言卽解。人以魯仲連呼之。酷愛菊。又善飲。養菊至五百餘種。必手自培植。十餘年。無間寒暑。善持家。訓子一以勤儉爲本。蓋力矯世俗浮華之習。卒年五十一。

張北縣孝義

葛成旺。本縣第一區雲頭壩人。性絕孝。而母年最高。每飯必親自操作。且不敢遠遊。卽或出門。雖遇狂風大雪。亦必返家視母。故鄉人有葛孝子之稱。曹福祿。本縣第五區小壩溝人。年三十無子。以姨弟之子爲嗣。及妻生子。曹頗惡之。鍾愛嗣子。終身不移。卒年九十有四。

韓印和。本縣第五區甲石河人。性和平。村中有爭鬪者。輒居間爲之排難解紛。卒各心服而罷。人皆以和事老稱之。精神矍鑠。耳目聰明。卒年八十有七。延慶縣孝義。

胡廷琪。號菽田。少讀書有雋才。甫冠。即補博士弟子員。試輒冠軍。旋之鄂。爲張文襄公之洞入室弟子。在鄂苦學數年。精研經史。博涉羣書。尤工行楷。精岐黃術。歷充湘鄂釐金要職者數十年。志潔行廉。一時有玉潔冰清之目。內行篤睦。兩兄以不事生產。家屢空。賴其贍恤。尤慷慨好施。僚友親戚有急難者。不吝鉅資以營救。或鬻產以濟。族黨中以婁告者。悉資借之。以故身後無餘資。由廩貢官湖北知縣。因母喪乞歸。哀毀盡禮。張文襄嘉其孝友。以施於有政四字匾額表揚之。旋以疾卒。子三人。皆雋才。

察哈爾省通志

卷十六

戶籍編之六

十二

胡先瀛。號仙洲。少聰穎。博通經史。甫冠。補弟子員。道光辛巳。舉賢書。分發江蘇知縣。先是永甯文廟舊租。大半被人侵蝕。因與同志逐加清釐。升斗皆歸核寔。公益賴以不墜。永甯雖裁縣。舊志稿猶存。擬就原本。增減刊刻。詎享年不永。未盡其志。嘗設文課。以培人才。修宗譜。以聯族姓。處鄉和睦。居家孝友。爲一方之典型焉。

胡向璣。號君政。少聰穎。勤於學。精習戰術。沈勇有謀。壯歲遊武庠。經史韜略。諸書過目成誦。時有才兼文武之稱。事父先意承志。以博歡心。父疾。飲食藥餌。必親嘗而後進。父歿。哀毀逾恒。廬墓終制。事母李宜人。亦以孝聞。撫諸季。備盡友愛。兄弟析居。自取薄田數畝。僅資終歲之食。其餘財帛諸產。悉與異母兩弟。兩弟皆感化。相親愛。弟兄四人。怡怡雍睦。人咸稱爲厚德。且慷慨好

施里黨無力婚葬。及不能舉火者。或周濟之。急公義。自忘其貧。晚年起補衛守備。不獲寔缺。未竟施設。輿論惜之。

懷來縣孝義

田應枚。懷來人。家貧早孤。事母至孝。性嗜酒。大醉時。人莫敢近。一聞母呵。則屏息受教。妻事母偶不謹。立出之。不再娶。母年耄。性反孩稚。應枚與羅列玩具。啼笑歌舞。宛然孩提。母歿哀感。路人咸推爲田孝子。

成應瑚。沙城人。國學生。事父以孝稱。父歿撫幼弟。勤卹備至。每日吾弟幼失怙恃。非兄奚賴。於是誼則兄弟。恩猶父子。鄉人穆姓。以貧故鬻妻子。瑚代贖。令其完聚。施不望報。有急難必周之。歲饑捐米助賑。活人甚多。撫院旌其門。胡常武。延慶衛武學生。居懷來。生而失怙。狀魁梧。善治生。痛母幼年守志。竭

察哈爾省通志

卷十六

戶籍編之六

十四

力奉養。中年得心疾。家稍替。每籲天願卻五味。求緩須臾死。以終母養。由是糲食躬樵。凡可以適母身者。無不殫力求之。時人以爲能事親矣。

楊國臣。土木堡人。渾河初無船橋。雍正間。重修普濟寺。但雇水夫四名。以濟往來。後謀造船橋。苦無資。國臣有柳數百株。捐充船橋之用。往來者咸稱利便。知縣馮。獎之曰好善樂施。礮山守備欒。獎之曰澤及河干。

王永慶。富家莊人。世雄於財。性慷慨。喜施捨。清道光十三年。倡捐修通濟橋。水災。捐糧五百餘石。分給貧民。旋又與新保安舉人張環。捐修沮陽書院。凡可以濟衆者。無不踴躍爲之。後家漸落。至同治七八年。歲薦飢。鄉人猶思之。曰。使今有王氏。吾輩斷不至飢困若此也。

劉長治。懷來衛庠生。崇禎甲申。闖賊陷懷來。酷刑索縉紳金帛。長治父英。曾

官大同被賊拷掠長治曰焉有子在而使父慘酷如此者挺身請代榜掠幾斃昏瞶中夢有人飲以水復甦鄉人異之共歛貲以償賊會賊敗長治得脫本朝定鼎懷隆兵備副使給孝哉劉子並人子所難二額旌其門舊志賈石保安衛人沈忠愍謫戍保安石徙宅居之難方作石力勸沈二子袞袞避去徐夫人不允及沈卒於獄石賂得屍潛埋之復勸二子急逃弗從石乃託故去之河南既而袞袞同被害徐夫人携幼子袞徙居雲州是時與沈素識往來者皆株連無遺獨石以先去免而密遣人收葬袞袞並經理家屬之在雲州者嚴嵩敗乃返故居後沈長子襄至潔陽石爲指示沈及二子藁葬處因得扶櫬歸里清乾隆間知縣吳文正修沈祠欲以石配享或謂家廟不宜祀異姓乃止見吳文正書青霞集後文

察哈爾省通志

卷十六

戶籍編之六

十五

胡常武延慶衛武學生居懷來生而失怙狀魁梧善治生痛母幼年守志竭力奉養中年得心疾家稍替每籲天願卻五味求緩須臾死以終母養由是糲食躬樵凡可以適母身者無不殫力求之時人以爲能事親矣舊志

陽原縣孝義

李浚字宣明明東川通判齊松子也好學篤行嘗就其家闢儒館延名士任講授鄉人願學者悉入焉多所造就侍父疾累月不解衣帶父歿廬墓哀泣不已墓側有嘉禾生人以爲孝感時詔舉賢良有司高其行將薦之力辭生平勇於赴義拯困濟危若疾痛之在己歲癸巳大雪踰月人困樵採浚率衆贏糧入山開徑三十里煤運始通由是得寒疾卒遠近勸之子恆光別有傳弟濬溥

王作霖字用之進士王鈞之父也事親以孝閩邑盛稱知縣盛公擬舉爲孝廉方正公固辭盛乃請於直督李鴻章旌贈鄉閭坊表匾額甲申行鄉飲酒禮公爲大賓凡邑之善舉莫不爭先創辦辛丑洋兵入東城人皆走避有勸公行者公曰君父蒙塵國事靡亂吾家仕宦豈可先逃卒不動三月十四日東城陷賊辱公公大罵遂殉城後由直督袁世凱奏聞照把總陣亡例從優議卹賜祭葬銀五十兩並崇祀直省昭忠祠

趙雲龍字衢翔少失恃事繼母得歡心爲諸生躬耕自給橋有病涉路有阻行必悉力程其事歲饑出粟徧貸鄉鄰多所全活卒年八十三

龔銘字自新性孝友輕資財道光十三年大災鄉無食公出粟賑災救活無算道光十五年知縣倪承弼贈惠浹閭匾額旋奉省縣令獎以孝友睦嫻

察哈爾省通志

卷十六

戶籍編之六

十六

任卹等匾額同治六年鄉人郭嚴等公贈聯對詞曰四代萃同堂悉本居心和而忍六行全特品兼能處世厚與溫

龔思注字百川以孝友稱於鄉道光丙申有蝗災鄉人以草根樹皮果腹思注出粟賑災每日領糧者千百計施放三月有餘翌年春由鄰縣購糧二百餘石散放村中以爲籽種道光丁酉西寧知縣資士達奉令獎贈好善樂施匾額

龔兆楷字孔林孝事父母敬兄愛弟皆出至誠經史百家既所涉讀且旁及農田水利內典諸書尤精鍼灸善書法爲人診病處方立愈鄰封匾額多出公手爲文操筆立就不事帖括而務經世之學重力行不尙虛言某次以急親友之難一夜徒步奔天鎮而難以免朋輩中咸欽敬焉設教鄉村其教人

亦重品行。尙氣節。文藝最後。又喜讀王陽明李二曲集。嘗謂學問重在實踐。非教人盜名也。庚子。拳匪起。愚人趨之若鶩。公斥其妄。平生不與地方事。對此獨力勸阻。公素重於鄉黨。卒如其言。而地方賴以無擾。詩學少陵。多憂國憂民句。然不留稿。自謂位卑言高。無補時世。故不欲示人。著有德堂家訓一卷。以遺子孫。

張暲。字緝熙。貢生。性恭謹。與弟珍事繼母以孝聞。其學以實踐爲歸。四子爲宗。外及於掌故之學。遇事法古。充宏州書院董事。凡五十一年。以其義務。故勞瘁不辭。篤學敦行。素爲士林推重。弟珍。字景星。亦貢生。性謙和。有經略。以誠取信於人。鄉里有爭訟事。得公言則立解。而待人寬厚。持家有道。尤爲人所矜式。無少長咸敬之。與乃兄暲。併充宏州書院董事。以子夔典貴。地封奉

察哈爾省通志

卷十六

戶籍編之六

十七

政大夫。

蘇澤。增廣生。篤行好學。孝友性成。清光緒三年。爲村民減免差徭。整飭村規。鄉人感德。勒碑於南大寺。又有慕家窰村。不滿十戶。每年竟出差徭宣錢一百二十千。村人苦之。無法完納。以致流離失所。乃呈縣令盛公。悉免該村差徭。村人因得安居樂業。而盛公並贈以實心爲善匾額。凡遇地方公益。無不身先倡導。縣教諭亦贈以人材翹楚獎語。急公好義。至老不倦。壽至七旬而卒。

李英。同治癸酉科選拔。候選教諭。李厚積之第三子也。性純孝。幼失怙。酷嗜學。及長。家道中落。菽水奉母。定省無倦。且恆親滌溺器。宗族鄉黨稱孝焉。又奉寡嫂同居。俾全殘節。撫猶子讀書成名。西寧縣令嚴以盛褒。以事母能孝。